

素問懸解卷十一

昌邑黃元御解

氣交變大論

六微旨論言人者求之氣交氣有勝復勝復之作有用有變此論專言氣交之變故

取名
如此

黃帝問曰五運更治上應天桴陰陽往復寒暑迎隨眞邪相薄內外分離六經波蕩五氣傾移太過不及專勝兼并願言其始而有常名可得聞乎

五運代治上應天干逐年輪轉各終桴日其間陰陽往復寒暑迎隨變化相乘愆伏失正因而眞邪薄迫內外相離六經波蕩五氣傾移則人受其災矣而其氣運循環盛衰不同太過則專勝乎已不及則兼并於人願言其乖違之

素問懸解卷十一

昌邑黃元御解

氣交變大論

六微旨論言人者求之氣交氣有勝復勝復之作有用有變此論專言氣交之變故

取名
如此

黃帝問曰五運更治上應天桴陰陽往復寒暑迎隨眞邪相薄內外分離六經波蕩五氣傾移太過不及專勝兼并願言其始而有常名可得聞乎

五運代治上應天干逐年輪轉各終桴日其間陰陽往復寒暑迎隨變化相乘愆伏失正因而眞邪薄迫內外相離六經波蕩五氣傾移則人受其災矣而其氣運循環盛衰不同太過則專勝乎已不及則兼并於人願言其乖違之

始而令有一定之名使天道昭著人得遵守也

岐伯稽首再拜對曰昭乎哉問也是明道也此上帝所貴先師傳之臣雖不敏往聞其旨

上帝天帝先師僦貸季也

帝曰余聞得其人不教是謂失道傳非其人慢泄天寶余誠菲德未足以受至道然而眾子哀其不終願夫子保於無窮流於無極余司其事則而行之奈何

眾子百姓也不終不得終其天年也帝欲岐伯傳運氣之法保赤子於無窮流恩澤於無極帝主司其事則而行之以惠萬民也

岐伯曰請遂言之也上經曰夫道者上知天文下知地理中



知人事可以長久此之謂也

道者有道者也

帝曰何謂也岐伯曰本氣位也位天者天文也位地者地理也通乎人氣之變化者人事也故太過者先天不及者後天所謂治化而人應之也

位於天者謂之天文位於地者謂之地理天降地升人在其中通於人氣之變化者人事也五運之治化居天地上下之間與人同位故其太過者先天不及者後天而人應之也

運氣卽人氣也

帝曰五運之化太過何如岐伯曰歲木太過風氣流行脾土受邪民病飡泄食減體重煩冤腸鳴腹支滿上應歲星甚則

忽忽善怒眩冒顛疾衝陽絕者死不治化氣不政生氣獨治
雲物飛動草木不甯甚而搖落反脇痛而吐甚上應太白星
風木太過則剋脾土脾敗不能消化水穀故飧泄腸鳴肝
位在左土被木賊脾氣不運故左脇支滿歲星木星也肝
主怒故忽忽善怒厥陰之脈會於顛故眩冒顛疾衝陽足
陽明胃經動脈在足跗上仲景謂之跗陽木賊土敗故死不治土主化
木主生化氣失政生氣獨治雲物飛動草木不甯風木太
過溼土被賊則燥金來復故草木搖落反脇痛而吐甚肝
脈循脇肋上行脇痛者肺金剋肝木也太白金星也

歲火太過炎暑流行肺金受邪民病瘡少氣欬喘血溢血泄
注下嗌燥耳聾中熱肩背熱上應熒惑星甚則胸中痛脇支

滿脇痛。膺背肩胛間痛。兩臂內痛。身熱骨痛。而爲浸淫。太淵絕者死。不治。收氣不行。長氣獨明。雨水霜寒。病反譖妄。狂越欬喘息鳴。下甚。血溢寫不已。上應辰星。

熱火太過。則剋肺金。肺病不能下降。收斂失政。故少氣欬喘。血溢大腸不斂。故血泄注下。足少陽從相火化氣。其脈下耳循頸入缺盆。相火上炎。故噤燥耳聾。肺氣逆行上衝肩背。故肩背熱。熒惑火星也。肺居胸中。自右脇下行。故胸中痛。右脇支滿而痛。胸前曰膺。肩後曰胛。肺脈從臂內下行。肺經逆衝。故膺背肩胛臂內皆痛。熱淫瘡生皮內。溼爛黃水流溢。隨處浸潰。則曰浸淫。太淵手太陰肺經動脈。卽寸口之關部也。金主收。火主長。收氣不行。長氣獨明。熱火

太過燥金被賊則寒水來復故雨水霜寒水勝火奔拔根
上炎故譫妄狂越欬喘息鳴水旺土敗升降倒行金逆則
血溢於上木陷則血寫於下辰星水星也

歲土太過雨淫流行腎水受邪民病腹痛清厥意不樂體重
煩冤上應鎮星甚則肌肉萎足痿不收行善癰腳下痛飲發
中滿食減四支不舉太谿絕者死不治變生得位藏氣伏化
氣獨治泉湧河衍涸澤生魚鱗見於陸風雨大至土崩潰病
腹滿溇泄腸鳴反下甚上應歲星

淫土太過則剋腎水土鬱脾滯故腹痛脾主四支四支諸
陽之本脾氣四達故手足溫脾病不能行氣於四支故手
足清厥脾主憂故不樂鎮星土星也脾主肌肉淫旺脾鬱

故肉萎癭筋脈急縮也。溼盛則水停氣阻，故飲發中滿。太

谿足少陰腎經動脈。

在內踝後陷中。

土無專宮，寄旺四季之月。各

十八日是卽其位也。土主化，水主藏，變生而得土旺之位。

藏氣伏，化氣獨治。泉湧河衍，涸澤生魚，鱗見於陸。溼土太

過，寒水被賊，則風木來復。故風雨至，土崩潰，肝木剋脾土。

故腹滿溇泄，腸鳴反下甚也。

歲金太過，燥氣流行。肝木受邪，民病胸痛，引背兩脇下滿，痛

引少腹，目赤眚瘍，耳無所聞。上應太白星，甚則喘欬逆氣，肩

背痛，尻陰股膝髀膕胻足皆痛。太衝絕者死不治。收氣峻，生

氣下，草木斂，蒼乾凋隕，病反肱脇暴痛，不可反側。欬逆甚而

血溢，上應熒惑星。

燥氣太過則剋肝木胸痛引背肺自病也兩脇下滿痛引
少腹木受金刑肝木鬱陷也肝竅於目肝病則火胎抑鬱
溫化爲熱故目赤背瘍膽脈循耳與肝爲表裏肝陷膽逆
濁氣升塞故耳聾喘欬逆氣肩背痛肺金上逆也尻尾骶
骨髀股骨節足脛骨尻陰股膝髀腓足皆痛肝氣下陷
也太衝足厥陰肝經動脈在足跗上大指後高骨收氣峻生氣下草
木斂蒼乾凋隕燥金太過風木被賊則熱火來復故肱脇
脈行右脇暴痛不可反側金受火刑故欬逆甚則收氣全失故
血上溢而爲衄也

歲水太過寒氣流行心火受邪民病身熱煩心躁悸陰厥上
下中寒妄譫心痛寒氣早至上應辰星甚則腹大脛腫喘欬

寢汗出憎風神門絕者死不治大雨至埃霧朦鬱溼氣變物
病反腹滿腸鳴溇泄食不化渴而妄冒上應鎮星

寒水太過則剋心火水旺火奔故身熱煩心躁悸水寒陰

盛故上下厥冷上謂手
下謂足水泛土溼故腹大脛腫土溼胃逆

肺失降斂故喘欬盜汗汗泄表疏故憎風神門手少陰心

經動脈在掌後銳
骨之端寒水太過熱火被賊則溼土來復故大

雨至埃霧朦鬱溼氣變物水受土刑溼旺脾鬱故腹滿腸

鳴溇泄而食不化也溼勝水敗藏氣失政心火上炎則渴

神不根精故譫妄昏冒也

帝曰善其不及何如岐伯曰悉乎哉問也歲木不及燥迺大

行生氣失應涼雨時至草木晚榮肅殺而甚則剛木辟著柔

萎蒼乾上應太白星民病中清肱脇痛少腹痛腸鳴溏泄上
臨陽明生氣失政化氣乃急白露早降收殺氣行寒雨害物
其穀白堅其主蒼早復則炎暑流行柔脆草木焦稿下體再
生華實齊化病寒熱瘡瘍癰疹癰瘰心氣晚治上勝肺金欬
而魄白氣迺屈素穀不成上應熒惑太白星

風木不及則燥金乘之故生氣失應草木晚榮金刑木敗
故剛木難凋則辟著而枯槁柔木易萎故蒼乾而隕落金
氣清涼故病中清肝經被傷故肱脇痛肝氣下陷鬱衝脾
土故少腹痛生腸鳴溏泄上臨陽明燥金司天合邪刑木
故生氣失政化氣迺急金性收斂勁急故土從金化也金色白而性堅故
其穀白堅木色蒼木敗故蒼穀早凋金勝木賊則熱火來

復草木焦槁下體再生根萌重發也火勝金負則熒惑光
芒太白暗淡後文倣此

歲火不及寒迺大行長政不用物榮而下凝慘而甚則陽氣
不化迺折榮美上應辰星民病寒中胸中痛脇支滿兩脇痛
膺背肩胛間及兩臂內痛鬱冒朦昧心痛暴痞胸腹大脇下
與腰背相引而痛屈不能伸髀髁如裂上臨太陽則雨雪冰
霜不時降大寒數舉蟄蟲早藏地積堅冰則陽光不治其穀
秬復則埃鬱大雨且至病驚漚腹滿飲食不下寒中腸鳴注
泄腹痛暴攣痿痺足不任身黑氣迺辱立穀不成上應鎮星
辰星

熱火不及則寒水乘之故長政不用物榮而下

下謂零落水刑

火敗故陽光不治乃折榮美寒水凌心心藏受傷上衝胸
背故胸背肩胛皆痛心脈從臂內後廉走手小指故臂內
痛足少陽化氣相火其經循脇下行故兩脇滿痛足太陽
寒水之經行身之背挾脊抵腰寒水勝火故脇下與腰背
相引而痛足太陽經貫臀循髀外入腘中足少陽循髀外
出膝外廉故髀髀如裂上臨太陽寒水司天合邪刑火故
雨雪冰霜時降大寒數舉蟄蟲早藏水色黑秬黑穀也水
勝火賊則溼土來復埃鬱昏朦大雨且至驚漉大便泄利
漉如鴨糞也

歲土不及風迺大行化氣不令草木茂榮飄揚而甚則秀而
不實上應歲星蟲食甘黃脾土受邪民病食少失味飧泄霍

亂體重腹痛。筋骨繇復。肌肉𦐇酸。上臨厥陰。流水不冰。蟄蟲來見。草木再榮。藏氣不用。其穀蒼復。則收政嚴峻。名木蒼凋。病胸脇暴痛。下引少腹。善太息。蒼穀乃隕。上應太白。歲星。

溼土不及。則風木乘之。故化氣失令。草木茂榮。木刑土敗。

故秀而不實。蟲因木化。甘爲土味。黃爲土色。風木賊土。故

蟲食甘。黃土病。不能消納水穀。故食少失味。脾主五飧泄霍

亂。脾土溼陷。不能升運。故體重下。遏肝氣。爲乙木衝擊。故

腹痛。風木飄揚。故筋骨繇復。肌肉𦐇酸。繇與搖同。復者動

肝主筋。脾主肉。風木剋土。故上臨厥陰。風木司天。合邪刑

土。故流水不冰。蟄蟲來見。春木發生。則冰泮蟄啟。故也。木

勝土賊。則燥金來復。收政嚴峻。名木蒼凋也。

歲金不及炎火迺行生氣迺用長氣專勝庶物以茂燥爍以行上應熒惑星民病肩背脊重鼽嚏便血注下上臨少陰少陽火燔炳水泉涸物焦槁收氣乃後其穀丹復則寒雨暴至迺零冰雹霜雪殺物藏氣舉事蟄蟲早附陰厥且格陽反上行病寒中口瘡甚則心痛頭腦戶痛延及腦頂發熱赤氣後化丹穀不成上應熒惑辰星

歲金不及則熱火乘之故生氣迺用長氣專勝火刑金敗故庶物以茂燥爍以行肺氣上逆故肩背脊重

腎悶也

肺氣

鬱遏上出鼻竅故鼽嚏作

鼽鼻塞流涕也嚏鼻鳴涕噴也

肺與大腸表裏

大腸失斂故便血注下上臨少陰君火少陽相火司天合邪刑金故火燔水涸草木焦槁火勝金賊則寒水來復寒

雨暴至冰雪飄零寒水下凝陽格火升故生口瘡頭痛上熱之證也

歲水不及淫乃大行長氣反用化氣迺速暑雨數至上應鎮星民病腹滿身重濡泄寒瘍流水腰股痛發癰膹股膝不便煩冤足痿清厥腳下痛甚則肘腫上臨太陰藏氣不收腎氣不衡其穀齡復則大風暴發草偃木零生長不鮮面色時變筋骨併辟肉瞶瘕目視眊眊物疏豐肌肉胗發氣并鬲中痛於心腹黃氣迺損齡穀不登上應歲星鎮星

問
瞶如雲切瘕音熾眊音荒豐音

歲水不及則淫土乘之故長氣反用化氣迺速土刑水敗故暑雨數至淫旺脾鬱故腹滿身重濡泄淫瘕肌膚皮肉

潰爛故寒瘍流水溼流關節故腰膝痠喘足跗痛痿擁腫
上臨太陰溼土司天合邪刑水故藏氣失政腎氣不平土
勝水賊則風木來復飄風暴發草偃木零肝主五色故面
色時變風動燥發故筋骨併辟併攣縮也辟偏斜也肝竅於目故目
視眊眊眊眊目不明也風木催裂故物疏豐豐裂也風傷衛氣衛閉
營鬱故肌肉生胗胗與疹同營熱泄于汗孔則發疹點也肝膽雙刑脾胃故
心腹俱痛齡黃色也

帝曰善願聞其時也岐伯曰悉乎哉問也木不及春有鳴條
暢律之化則秋有霧露清涼之政春有慘悽殘賊之勝則夏
有炎暑燔爍之復其眚東其藏肝其病內舍肱脇外在關節

肱音區